



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Lvitprandi Ticinensis Diaconi Opvscvlvm, De Vitis
Romanorvm Pontificvm**

Liutprandus <Cremonensis>

Mogvntiae, 1602

XXII. S. Cornelius.

urn:nbn:de:hbz:466:1-11115

si voluerit, taceat, & vt pulsatis, quotiens appellauerint, induciæ dentur, Adhæc statuit crimen quodlibet cuilibet temerè ex ira obiectum non esse pro accusatione habendum, & vt quicunq; accusationem per scripturam se probaturum esse fateatur, & si non probauerit quod obiecit, pœnam quam intulit, patiatur. Probatio autem & causa ibi semper agatur, vbi crimen admittitur, nisi si Episcopus Apostolicam Sedem appellauerit. Tunc verò id statuendum esse, quod eiusdem Sedis Pontifex statuerit.

XXII.

A.CCLIV.

S. CORNELIUS.

CORNELIUS, natione Romanus, ex patre Castino, sedit annos 2. menses 2. dies 3. Hic ideo, quia epistolam à B. Cypriano Carthaginensi Episcopo acceperat, iussu Decii capite detruncatur 3. nonas Martii. Hic ordinavit Episcopos 7. presbyteros 4. diaconos 4. Hic rogatus à quadam matrona, Lucina nomine corpora Apostolorum Petri & Pauli de catacumbis noctu leuavit, & primo quidem corpus B. Pauli silentio leuatum est, ac positum in prædio prædictæ matronæ, via ostiæ ad latus, vbi decollatus est. Postea vero corpus B. Petri accepit, & condecenter posuit illud iuxta locum, vbi crucifixus est inter corpora Sanctorum Episcoporum in templo Apollinis in monte aureo in Vaticano palatii Neroniani 3 Kal. Jul. Idem prædictus Papa & martyr in epistola, a quam Rufo coepiscopo consultus misit iuxta præceptum Domini in Euangeliō, & Iacobi Apostoli in sua epistola, & omnium Apostolorum, & suorum antecessorum præcepta sequens, & iura confirmans, incauta sacramenta à sacerdotibus fieri penitus vetat. quia ante suum tempus à summis sacerdotibus, vel à reliquis sacramenta non esse exacta vel exhibita nisi pro fide recta testatur. Item in eadem, sicut & alii antecessores sui fecerant, prouidendum esse affirmat, ne oves suum pastorem, nisi à fide exorbitauerit, reprehendere aut accusare præsumant, quia tales accusationes vim non habent, neque pastoribus nocere possunt. Item prohibet, ne vllus sacerdotum causam suam alieno committat iudicio, sed semper habeat cōprüinciales, & notos iudices, nisi illic vim temerarię multitudinis timuerit, aut infestos, vel suspectos iudices habuerit. Pro his enim causis ad maioris auctoritatis iudices & ad alias prouincias appellare & venire concessum est. Item in eadem affirmat omnino esse vacua omnia illa, quæ in omni negotio, aut loco aduersus absentes aguntur, aut iudicantur, quoniam absentem nullus * abdicit, nec vlla lex damnat.

XXIII.

*addicit.

3.q.6.c.omnia.